

# Asriyah johan Gegar Pidato JPA

**KUALA LUMPUR 12 Okt.** - Wakil Jabatan Tenaga Kerja Sabah, Kementerian Sumber Manusia, Asriyah Abdul Hafid dinobatkan sebagai juara Gegar Pidato Piala Pusingan Ketua Pengarah Perkhidmatan Pendidikan.

Asriyah membawa pulang hadiah utama biasiswa Universiti Putra Malaysia (UPM), RM2,500 dan sijil penghargaan.

Dia mencuri tumpuan melalui pidatonya yang bertajuk ‘Rancangan Malaysia Ke-11 (RMK-11): Pertumbuhan Berpaksikan Rakyat’ dengan memfokuskan isu daripada rakyat kepada rakyat.

“Saya sangat bersyukur dan tidak menjangkakan kemenangan ini kerana semua peserta datang daripada pelbagai agensi kerajaan di seluruh negara dan telah memberikan persembahan yang sangat baik.

“Program seperti ini sangat membantu terutama kepada penjawat awam kerana jelas meningkatkan kemahiran berkomunikasi untuk menyampaikan maklumat dengan lebih tepat,” katanya selepas pertandingan akhir itu di UPM dekat sini hari ini.

Yang hadir sama, Timbalan Pengarah Perkhidmatan Awam (Operasi), Datuk Dr. Ahmad Jailani Muhammed Yunus dan Naib Canselor UPM, Prof. Datuk Dr. Mohd. Fauzi Ramli.

Naib johan dimenangi Dr. Mo-



**ASRIYAH ABDUL HAFID (empat dari kiri) meraikan kejayaannya merangkul juara Gegar Pidato Piala Pusingan Ketua Pengarah Perkhidmatan Pendidikan 2015 bersama lain-lain peserta di Panggung Percubaan, UPM, Serdang, semalam.**

hamad Khairul Aneeza Zakaria dari Kementerian Kesihatan manakala wakil Kementerian Pertahanan, Siti Fatimah Umar di tempat ketiga.

Sementara itu, menurut Ahmad Jailani, program yang diadakan sempena Bulan Bahasa Perkhidmatan Awam yang dianjurkan Jabatan Perkhidmatan Awam (JPA) itu dapat membudayakan penggunaan bahasa dalam setiap urusan jabatan, agensi dan kementerian.

“Program ini juga mampu men-

ingkatkan tahap penguasaan pengucapan penjawat awam yang mewakili agensi masing-masing dalam menyampaikan maklumat dan informasi berkaitan dasar-dasar kerajaan dengan lebih bagus.

“Dalam pertandingan ini, peserta diberi peluang menyertai bengkel, kursus dan latihan yang dijalankan selama empat hari tiga malam, melibatkan 50 orang yang terdiri daripada penjawat awam seluruh Malaysia,” katanya.